



**UCAPAN PERASMIAN  
MAJLIS PELANCARAN PENINGKATAN  
PRODUKTIVITI GETAH DAN SAWIT RISDA  
NEGERI PERAK TAHUN 2009**

**OLEH  
YANG BERBAHAGIA TAN SRI RAHIM TAMBY CHIK  
PENGERUSI RISDA**

**TEMPAT: SEKOLAH KEBANGSAAN CHANGKAT JERING, PERAK  
TARIKH : 4 APRIL 2009  
MASA : 3.30 PETANG**

**Yang Berusaha Saudara Pengerusi Majlis**

**Yang Berbahagia Dato' Mohammad Izat bin Hasan  
Ketua Pengarah RISDA**

**Yang Berhormat Datuk Hj. Rosli bin Husin  
ADUN Kawasan Trong merangkap Ketua UMNO Bahagian  
Bukit Gantang**

**Yang Di hormati En. Zainal bin Abd.Rahim  
Pengarah RISDA Negeri Perak**

**Yang Dihormati En. Ismail bin Safian  
Calon Barisan Nasional untuk pilihanraya kecil Parlimen Bukit  
Gantang**

**Pegawai dan anggota RISDA**

**Seterusnya Tuan-Tuan dan Puan-puan Pekebun Kecil yang  
dikasihi serta para hadirin yang dihormati sekalian**

3

**Assalamualaikum Warahmatullahi Wabarakatuh**

### **1.0 PENGHARGAN**

Alhamdulillah, bersyukur kita ke hadrat Allah S.W.T. kerana dengan limpah kurnia dan izinNya dapat kita berkumpul pada pagi yang mulia ini di Sekolah Kebangsaan Changkat Jering yang serba indah dan menarik ini bagi 'Majlis Pelancaran Peningkatan Produktiviti getah dan Sawit RISDA Negeri Perak Tahun 2009' pada pagi ini. Saya mengambil peluang di sini untuk mengucapkan ribuan terima kepada Pengurusan RISDA khususnya RISDA

4

Negeri Perak atas kesudian menjemput saya untuk merasmikan Majlis ini.

Saya juga mengalu-alukan kedatangan semua pekebun kecil Negeri Perak khususnya pekebun kecil kawasan Bukit Gantang dan saya berharap Tuan-tuan dan Puan-puan dalam keadaan sihat walafiat dan sentiasa dilindungi oleh Allah SWT dalam usaha kita untuk menjalankan tugas dan tanggungjawab kita.

Sejak 52 tahun yang lalu, Kerajaan telah berjaya membawa kesejahteraan kepada rakyat, berlandaskan kepada prinsip perkongsian kuasa, mengutamakan kestabilan politik, berpegang kepada kesederhanaan dan mementingkan kemakmuran ekonomi. Sebenarnya, negara kita merupakan antara negara yang paling stabil dan makmur di rantau ini. Kejayaan ini telah dicapai sungguhpun negara telah menghadapi pelbagai rintangan dan cabaran. Hari ini kita berdepan dengan persekitaran krisis ekonomi dunia disebabkan penurunan harga komoditi seperti minyak kelapa sawit dan getah. Malaysia menerima kesan secara langsung daripada penurunan harga dan eksport komoditi ini.

Namun, saya yakin, pihak kerajaan bertungkus lumus membantu sektor pekebun kecil melalui pakej-pakej rangsangan dan saya pasti tuan-tuan dan puan-puan bersama-sama berganding bahu menangani masalah ini berbekalkan semangat dan usaha yang gigih.

## **2.0 PENINGKATAN PRODUKTIVITI**

Sektor pekebun kecil menyumbang *95.4 peratus* kepada pengeluaran getah negara. Walaupun mereka adalah penyumbang utama pengeluaran getah negara, mereka masih lagi

7

berhadapan dengan masalah-masalah yang berlarutan seperti saiz kebun yang kecil dan tidak ekonomik, tenaga kerja yang kurang, umur pekebun kecil yang meningkat tua. Dan kesemua ini membawa kepada produktiviti dan pendapatan yang rendah dan menjurus kepada kemiskinan. Pada masa ini pengeluaran hasil kebun getah pekebun kecil amat rendah berbanding dengan hasil sebenar yang boleh dikeluarkan mengikut jenis klon getah. Hasil keluaran pekebun kecil hanya dalam lingkungan 1,580 kg/hektar setahun. Sedangkan hasil sebenar purata boleh mencapai 5,400 kg/sehektar/setahun.

8

Analisis Produktiviti Getah menunjukkan Produktiviti Getah Pekebun kecil telah meningkat dari 1,372 kg/hek/tahun pada tahun 2006 ke 1,580 kg/hek/tahun pada tahun 2008 iaitu peningkatan sejumlah 15%. Saya dengan penuh ikhlas mengucapkan ribuan terima kasih di atas komitmen dan kesungguhan yang ditunjukkan oleh Tuan-Tuan dan Puan-puan. Walau bagaimanapun, usaha-usaha untuk meningkatkan pengurusan dan peningkatan produktiviti kebun masih perlu dilaksanakan berterusan secara terancang dan teratur supaya kebun getah dapat mengeluarkan hasil dalam tempoh 41/2 tahun dan mengeluarkan hasil tidak kurang daripada 2,000 kg/hek/tahun.

9

Peningkatan produktiviti pekebun kecil adalah penting bagi merealisasikan peningkatan pendapatan RM 2,000 sebulan sekeluarga menjelang akhir tahun 2010. Antara usaha-usaha yang dilaksanakan termasuk:

**a. Penubuhan kelab 2000**

Bermula tahun 2007, RISDA telah menubuhkan Kelab 2000 untuk getah bertujuan untuk menggalakkan pekebun kecil berusaha dengan gigih untuk memastikan mereka mengamalkan amalan pertanian yang baik (Good Agricultural Practices) untuk memperoleh hasil 2000 kg/hektar/tahun. Mereka yang berjaya

mencapai penghasilan yang tinggi iaitu melebihi 2000 kg sehektar setahun diterima menjadi ahli kelab dan akan menerima beberapa kemudahan yang disediakan oleh RISDA. Antaranya adalah seperti berikut:

- i. Diberi keutamaan untuk menerima klon-klon getah dan benih-benih tanaman yang baik.
- ii. Diberi keutamaan untuk menyertai seminar, bengkel atau sebagainya yang dianjurkan oleh RISDA.
- iii. Berpeluang untuk menyertai program lawatan sambil belajar ke tempat-tempat yang berfaedah.

11

- iv. Menjadi tenaga pengajar kepada peserta kursus teknologi anjuran RISDA yang dijalankan di Institut Kemajuan Pekebun Kecil (IKPK).

Setakat ini, seramai 2,778 orang pekebun kecil telah menjadi ahli kelab dengan penghasilan kebun melebihi 2,000 kg/hek/tahun untuk getah. Manakala untuk sawit, seramai 650 orang telah menjadi ahli kelab 30 mt/hek/tahun. Walau bagaimanapun saya difahamkan terdapat ramai pekebun kecil yang mampu memperolehi hasil melebihi 2000 kg/hek/tahun dengan menggunakan amalan teknologi yang disarankan. Syabas!

12

Ini membuktikan produktiviti kebun getah boleh ditingkatkan jika diuruskan dengan baik selain menggunakan klon yang disyorkan, penggunaan bahan serta alat rangsangan dan pembajaan mengikut jadual.

#### **b. Pelaksanaan Impian 500**

Mulai tahun 2008, RISDA telah mewajibkan kepada semua pekebun kecil yang akan menanam semula kebun mereka dengan tanaman getah dikehendaki menanam pokok getah dengan bilangan melebihi 550 pokok setiap hektar. Tindakan seumpama ini penting bagi memastikan supaya kebun-kebun

13

tersebut mengandungi bilangan pokok tidak kurang daripada 500 pokok ketika mula membuka tapak torehan atau bila dibayar bantuan terakhir.

Jika berlaku kekurangan dalam tempoh tersebut, RISDA akan membantu pekebun kecil supaya menyulam pokok yang mati dengan pokok yang lain. Bilangan pokok getah dalam sesebuah kebun penting kerana ia menjadi salah satu faktor penentu kepada jumlah produktiviti atau pengeluaran yang dihasilkan oleh sesebuah kebun berkenaan.

14

### **c. Program Peningkatan Produktiviti Getah (PPG)**

Tuan-tuan dan puan-puan sekalian, salah satu usaha untuk meningkatkan pendapatan pekebun kecil adalah memastikan hasil getah dikeluarkan sepenuhnya. Sehubungan dengan itu Program Pengekalan Pengeluaran Getah (PPG) telah diperkenalkan oleh RISDA pada tahun 2005 supaya pekebun kecil dapat meningkatkan kecekapan dan produktiviti getah ke tahap minimum 2000 kg sehektar setahun melalui amalan teknologi terkini. Input Pertanian yang dibekalkan termasuk baja, racun rumpai, etefon/Mortex dan RRIMFlow/G-Flex. PPG di laksanakan supaya pekebun kecil :

15

- i. Memulihkan kebun getah matang yang tidak terurus mengikut amalan agronomi yang baik supaya menjadi produktif.
- ii. Memastikan kebun getah matang tidak terbiar ditoreh atau ditoreh semula.
- iii. Memastikan kebun getah matang yang menyertai PPG terus ditoreh dan diurus mengikut amalan agronomi yang baik.
- iv. Meningkatkan kecekapan dan produktiviti kebun getah matang ke tahap minimum 2000 kg/hektar/tahun.

16



#### **d. Program Pemantauan Teknologi 3:3:1:3**

Program ini mula dijalankan pada tahun 2003 dan bertujuan untuk mengesan impak peningkatan produktiviti getah melebihi 2000 kg/hektar/tahun melalui amalan agronomi dan teknologi LITS. Sehingga Disember 2008, jumlah pekebun kecil getah yang di pantau di peringkat nasional adalah sebanyak 38,698 orang manakala bagi sektor sawit pula seramai 8,727 orang pekebun kecil. Saya difahamkan bahawa hasil tertinggi individu bagi getah yang telah dicapai adalah 4,430 kg iaitu dari Kuala Kangsar dan hasil tertinggi sawit yang telah dicapai adalah 45.49 MT dari Ayer Tawar. Kedua2 pekebun kecil ini adalah

17

dari Negeri Perak, Syabas dan tahniah kepada pekebun kecil daripada Perak! Saya harap agar ianya menjadi contoh dan tauladan kepada para pekebun yang lain.

#### **e. Khidmat Pengembangan/Pendamping/Latihan**

Di samping usaha-usaha lain, khidmat pengembangan/latihan formal dan informal serta pendampingan dalam bidang produktiviti kebun juga dijalankan bagi memantapkan lagi amalan pertanian yang baik. Bagi RISDA, pembangunan ahli isi rumah perlu diberi penekanan sebagai jaminan untuk meningkatkan pendapatan keluarga serta taraf hidup

18

masyarakat pekebun kecil dan luar bandar. Ini dilaksanakan dengan penubuhan Institut Kemajuan Pekebun Kecil (IKPK) bagi memastikan Pekebun kecil dapat meningkatkan produktiviti kebun disamping anak-anak pekebun kecil dapat meneruskan pendidikan ke taraf yang lebih tinggi.

#### **4.0 Penutup**

Akhir kata, sekali lagi saya merakamkan setinggi-tinggi tahniah kepada RISDA Perak kerana berjaya menganjurkan satu Majlis yang begitu berfaedah kepada pekebun kecil di negeri. Semoga

19

Majlis ini memberi manfaat yang sepenuhnya kepada masyarakat pekebun kecil Bukit Gantang untuk lebih maju lagi di masa hadapan. Saya mendoakan agar Tuan-tuan dan Puan akan terus maju dan meningkatkan produktiviti dan seterusnya meningkatkan pendapatan keluarga, insyaAllah.

Dengan kata-kata itu dan dengan lafaz **Bismillahirrahmanirrahim** saya merasmikan **Majlis Pelancaran Peningkatan Produktiviti Getah dan Sawit RISDA Negeri Perak Tahun 2009.**

**Sekian. Wabillahi taufik Walhidayah Wsb.**

20